



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt Primvm. Generalis coetus die sexto Iunij, in quo quinque articuli de  
vsu Eucharistiae proponuntur. Noua contentio h̄ic excitata de mansione, &  
promissio à Mantuano facta ad eam sedandam. ...

**urn:nbn:de:hbz:466:1-11718**

2 HISTORIÆ CONCILII TRIDENTINI Lib.17.Cap.1.

merone & à Torres, pridie futuræ Sessionis. Sententiarum in eadem Sessione varietas, & exitus. Quæ Suavis considerat de illius Decretis, expensa. Mantuanus & Simonetta reconciliati. Philippi Regis litteræ, quibus à postulato ut Continuatio declaratur desistit, & Hispanos Praesules dehortatur, ne caput de mansione vrgeant. Documenta Legatis à Pontifice super eo data. Articuli minoribus Theologis propositi de Missa sacrificio. Opera à Lansaco adhibita, ut Theologi & Episcopi è Gallia mitterentur. Litteræ Reginæ, quibus eos affirmat aduenturos; & prolationem petit, sed non obtinet. Profectio in Galliam Fabri Oratoris, eiusque litteræ ad Reginam. Praferuida Cæsaris postulata, ut Calix concederetur. Difficultates obiectæ, & temperamenta ad res superandas excogitata.

C A P V T P R I M V M.

Generalis cœtus die sexto Iunij, in quo quinque articuli de vñs Eucharistie proponuntur. Noua contentio hic excitata de mansione, & promissio à Mantuano facta ad eam sedandam. Archiepiscopus Lancianensis missus ad Pontificem à Legatis. Petitionum volumen, quod à Cæsare eius Oratores accipiunt, exhibendum Concilio. Huiusc rei executio per Praesides impedita.

1562.  
a 6. Junij  
1562. in A-  
& tis Paleotti,  
& Arcis Ro-  
mana, & in  
epistola Ja-  
drensis, 8. Ju-  
nij.

**E**GATI, quod anteà Hispanis spouderant imple-  
turi, biduo post Sessionem ad generalem cœtum Pa-  
tres aduocarunt, proposueruntque perpendendos à  
minoribus Theologis eosdem ipsos articulos, qui in  
promptu fuerant ut expenderentur in Concilio Iulij,  
cùm repente solutum est. Hi erant quinque, ad vñsum Eucharistie  
spectantes.

An ex Diuino prescripto quilibet Christianus teneretur utramque  
speciem sumere in Eucharistie Sacramento.

An rationes, quibus Ecclesia Catholica adducta est ad Eucharistiam  
præbendam laicis, & etiam Sacerdotibus non celebranib[us] sub sola panis  
specie, adeò retinenda essent, ut nullo pacto vñs Calicis ulli esset per-  
mittendus.

S. 2.

HISTORIÆ CONCILII TRIDENTINI Lib. 17. Cap. 1. 3

*Si, ubi ex honestis causis, & charitati Christianæ consonantibus, equum videretur concedere usum Calicis alicui nationi seu regno, habendum id esset sub quibusdam conditionibus, & sub quibus.* 1562.

*An accipiat aliquid minus qui utitur hoc Sacramento sub una tantum specie, quam qui sub utraque.*

*An necessarium sit lege Diuinâ, hoc altissimum Sacramentum porrigerere pueris, antequam ad usum rationis perueniant.*

Dicerent Theologi, quid firmitate Fidei credendum, quid tamquam hæresis reiiciendum esset.

2 His propositis assensi sunt ij, qui ante Granatensem verba fecere. Sed hic cœpit dicere: Primum articulum in Synodo Constantiensi iam fuisse definitum, adeoque nouâ trutinâ non indigere, sed solum nouâ confirmatione: reliquosque pariter adeò manifestò patere, vt diurno labore opus non esset. Satis igitur sibi videri, vt illis adiiceretur in eadem Sessione Sacramentum Ordinis, atque vt ita de mansione ageretur: mirum sibi esse, quod illam ad legem Ecclesiasticam quidam redigerent: rationes, quæ ad id adducebantur, eo confessu indignas videri; ac proinde ab illis ipsis magis se confirmari in contraria sententia, validissima atque sanctissima, pro qua mori ipse minimè dubitasset: se non posse illius argumenti memoriam non sèpius reuocare, ob ingentia commoda quæ in eo animaduerterebat; atque impatienter optare, vt res à Synodo definiretur, quod inciperent palam conspici fructus, quos ab eo sacrosancto conuentu Christiana Respublica sibi pollicebatur.

3 Postremis hisce verbis vehementer commotus est Castanea Archiepiscopus Rossanensis, qui ex opposito arbitrabatur, nullam disputationem maiori futuram incommodo quam ea, pro temporum conditione. Quare ubi loquendum ipsi fuit, acriter de quibusdam conquestus est, qui & quæ de novo proponebantur tamquam leuia despiciebant, cum tamen reuerâ esissent eiusmodi, vt illi disputantium numero tempus deforet, & in singulis cœribus studebant importunam illam controvësiam excitare, interrupto aliарum rerum processu maioris emolumenti: nec temperare sibi potuit, quod minus id expromeret formulis acerbioribus, quam opus fuisset consuetæ modestiæ suæ, & opportunitati illius negotij. Quapropter, ubi per prudentem dissimulationem iactu declinato telum in irritum cecidisset, per intempestiuum iracundiae sensum eo repercluso effecit, vt ab eo vulnus infligeretur. Etenim inflammati à mordaci Castanæ sermone ij qui cum Granatenzi in sententia mansionis

A 2 concor-

1562. concordes erant, ac præsertim Beccarellus Archiepiscopus Ragusinus, Bartholomæus de Martyribus Bracarensis, Callinus Ladrensis, acerbis formulis confutarunt id quod rebantur cedere in reprehensionem offenditionemque communem. Idcirkò, prout mos est conuentibus qui ex pluribus conflantur, vbi plerique in dicenda sententia non tam memoriam retinent quod initio propositum est, quam quod postremo loco depromptum, destitutum pene fuit prius argumentum, excitatumque vniuersale ac feruidum certamen de eo quod Granatensis fortuitò dixerat.

Eâ re commotus Mantuanus, præuidensque naufragia, quæ accidere poterant ex improvisa illa fluctuum agitatione, si ea in procellam ruere sineretur, blandâ simul & ad maiestatem compositâ ratione intercessit: Mirum sibi esse, quod in argumentum tam alienum vellent eam disputationem inserere: se fuosque collegas polliceri, ea de re suo loco nauiter aëtum iri, cum ad Sacramentum Ordinis deuentum esset: fidem ab illis habendam Cardinalibus, & eiusmodi conditionis, & Sedis Apostolicæ Legatis. Hoc pacto Gonzaga Patres ad rem reduxit, quamquam non omnino. Etenim Sanfelicius & Caselius laudarunt quod Legati frangerent crebrius quorumdam audaciam, qui volebant in Episcoporum subsellis agere Præsides, perinde quasi plures quam quinque Synodo præsiderent; Sericus vero Castellanensis Antistes, qui eo die, vice Massarelli ægrotantis, Concilio à secretis erat, palam improbauit eam primi Legati promissionem, ceu futuram plurimarum offenditionum causam. Contrà verò Segouienfis Episcopus, Reatinus, & alij postulata iterarunt, vt declaratio de maniōne quamprimum conficeretur; simulque confutarunt castigationes habitas à Patribus modò nominatis in eos qui facultatem ac libertatem singulis in Concilio debitam usurpauerant. Et sanè Mantuanus eo confilio, quo sibi persuaserat excitas ibi turbas sedatum iri, paulò post alias in seipsum tum Tridenti tum Romæ concitauit; perinde ac si nimium sibi arrogasset, dum communi Legatorum nomine pollicebatur id quod nondum inter eos conuenerat, obstringeretque & ipsos & Pontificem ad rem expendendam, quam potius omitti optabant. Verum plurimè litteræ à se & à collegis simul ad Borromæum scriptæ, in quibus exponebant commune propositum reiiciendi illius examinis ad Ordinis Sacramentum, & responsiones redditæ, vbi Pontifex id consilij haud respuebat, sed alterum committebat, vt nimicum aut rem sopiendam, aut protractandam curarent, satis Mantuano persuadere potuerunt, tacitum haberi

haberi consensum de huiusmodi promisso; præterquam quod iniquum est, in repentino discrimine eam in hominibus consilij præstantiam postulare, quam præmeditatio ac tempus suppeditarent: quemadmodum plane iniquum fuisse exigi in Virgilio ex tempore præstantissima carmina, quæ in Aeneide elaborauit.

1562.

5 Patribus igitur in memorato cœtu ad rem regressis, eorum aliqui cum Guerrero sentiebant, primum ex quinque articulis esse omitendum, quippe Constantia iam decisum. Sed Episcopus Quinque Ecclesiarum dixit, multa post eam decisionem exagitata fuisse à recentioribus hæreticis, quæ illi obiectabantur, & opus esse, ut in illorum abiectione huius firmitas ostenderetur. De quo Galli pariter conuenere, affirmantes, id plurimum profuturum ad multos in Fide confirmandos: sed inde potissimum res promota, quod cognoverit Synodus, eos ipsos articulos fuisse missos ad Concilium Iulij à Carolo V. quod Germaniae satisficeret, & tunc Patres consensisse, illorum examen amplexatos.

6 Postridie huius conuentus Cæsariani detulerunt ad Præsidem volumen quoddam<sup>b</sup>, à Ferdinando ad se missum<sup>c</sup>, vt Synodo tradarent: in quo reipsa Cæsar obstabat, ne Continuatio declararetur: querebatur de agendi ratione à Legatis adhibita: efflagitabat quamplurimas, easque grauissimas emendationes tum in Capite tum in membris Ecclesiæ; & vt paucis dicam, liber ille complectebatur magna ex parte sensus iniectos inexperto Religionis studio quorundam proborum, ab eorum arte, qui omnem impendebant operam ad eleuandam Synodi ac Præfidum dignitatem, splendoremque Pontificatus minuendum. Legati vehementer eo sunt commoti; cumque Archiepiscopo Pragensi ostendissent, quantâ tum Concilij tum Cæsaris indignitate volumen illud conuentui tradetur, eos cohortati sunt, vt tantisper suspenderent, dum ipsi per officia Nuntij Ferdinandum ab eo consilio dimouerent. Quin præterea Muglizius, eâ opportunitate quâ breui per dispositos equos iturus erat ad suam Pragensem Ecclesiam, vt Regem Bohemiæ coronaret, suscepit in se munus id Cæsari suadendi.

<sup>b</sup> Litteræ Legatorum ad Borromæum,  
8. & 10. Iunij, & natratio Mu-  
fotti.  
<sup>c</sup> 20. Maij  
1562.

7 Verum enī in comperto esset, per media temperamenta neutri partium satisficeri eo ipso tempore, quo Cæsar querebatur de Legatis, quippe ad declarandam Continuationem paratis; necessarium ipsi duxerunt, vt apud Philippum Regem illius declarationis moram excusarent, & litteras super ea re communi nomine ad eum scriperunt. Operæ pretium pariter existimarent, ad Pontificem legare cordatum hominem, negotiorum expertum, & de rebus

A 3 probè

6 HISTORIÆ CONCILII TRIDENTINI Lib. 17. Cap. 2.

1562. probè doctum, qui videndum eius auribus exponeret, longè melius quām litteræ oculis subiecissent, rerum præsentium statum, & futurorum apparatum: atque ad id selectus est Leonardus Marinus Dominicanus, Archiepiscopus Lancianus, nobilis Genuensis.

Hoc pacto qui summis in rebus ad commune bonum laborat, non modò communem plausum sibi polliceri non potest, sed opus habet se quasi vndeque reum purgare.

C A P V T II.

*Documenta à Legatis tradita Archiepiscopo Lancianensi de Synodi processu, ac de decisione articuli super mansione.*

**Q**uam fuisse vniuersè iniunctum Archiepiscopo, vt i corā edoceret Pontificem de cunctis rerum conditionibus, summa tamen documentorum, quæ tradita ip̄i sunt,  
<sup>a. 8. Iunij  
1562.</sup> in duobus vertebarū: quæ duo, quasi poli in illius sphæræ motu, ab Altempio proponenda Pio dicebantur, si pro suscep̄to priūs consilio iturus ille fuisse ad Pontificem, vt ipsorum contumaciam excusaret. Alterum erat solutio, seu translatio Concilij; alterum, declaratio de mansione.

De priori; Rumorem h̄ic increbuisse, quem alebant ex parte 2 quidem litteræ Romā scriptæ, nonnisi de hac Synodi dissolutione à Pontifice cogitari, ad imponendum intolerabili dispendio finem; ex parte verò crebri sermones, qui Tridenti habebantur, quod Synodus aut in præsentia terminaretur, aut aliò transferretur. Id Patrum compluribus necessarium videri, causantibus nonnullis, opere Episcopos remitti ad ipsorum greges, quibus contagionis periculum imminebat sine Pastorum custodia; nonnullis, aliam stationem esse eligendam, cum ibi amplius consistere non liceret tum ob annonæ caritatem, quæ accessione exterorum intolerabilis evasisset, tum ob hospitiorum penuriam, quippe non angusta solùm erant, sed cuncta iam occupata, vt amplius non superesset locus iis qui accessuri erant; tum etiam ob discrimen, quod Patribus impendebat ex propinqua hæreticorum furentium potentia, qui nouis proscriptionibus irritati, ad arma conspirassent: adeoque iam multi Præfules consilium agitabant vñā inter se conueniendi, & communi nomine id postulandi.

Iam verò Pontificem super eo Præfides admonebant, cùm Synodus duplice causa coalusset, vt Ecclesiam hæresi purgaret, eamque ut in moribus reformaret; non posse Pontificem ab incepto desu-